

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Inatsisartut aallartitaannut siulittaasup aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutitut aalajangersagassaanut nr. 3/2016-imut siunnersuut:

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa, nunarsuarmi sumi inissisimanertik tunngavigalugu nunat tamalaat akornanni naalakkersuinikkut ingerlatsinerup silarsuaani nutaami nunat pineqartut inissisimanerata oqallisigineqarnissaa siunertaralugu ataatsimeersuartitseqqullugit.**

(Aallartitat siulittaasuat Lars-Emil Johansen)

**Tunngavilersuut:**

Sorsunnerup nillertup kingorna nunat avannarliit killiit pingasuusut nunarsuarmi sumi inissisimanertik tunngavigalugu nunat tamalaat akornanni naalakkersuinikkut ingerlatsinermi annerujartuinnartumik avinngarusimasatut inissisimaleriartorsimapput, Kangia Qiterleq Kinalu qitiulersimallutik, peqatigisaanillu Rusland USA-lu annertunerujartuinnartumik sakkussakillisarimallutik, ilaatigut nunani avannarlerni killerni pingasuusuni sakkutooqarfeqarnek annikillisariartuaarneqarsimalluni.

Ukiuni kingullerni nunarsuarmi sumi inissisimanertik tunngavigalugu nunat tamalaat akornanni naalakkersuinikkut ingerlatsinermi annertuunik nikeriartoqarsimavoq. Rusland Europami aaqqiagiinngissuteqarnernut arlalinnut peqataasimavoq, Kangianit Qiterlermit Afrikamiillu Europamut qimaasut annertuumik amerleriarsimapput, peqatigisaanillu peqqarniisaarfi-gineqarsinnaaneq malinnaasimagunarluni. Teqqit Nunaanni sakkutuut uppisiteriaraluarsi-mapput, teqqillu Europamut naalakkersuinikkut saakkiartornerat allanngorluinnarsimalluni. Peqatigitillugu Kina nunanik allanik, nunat avannarliit killiit ilanngullugit, soqutiginnileriartuinnarpoq.

Minnerunngitsumik Ruslandip NATO-llu akornanni aaqqiagiinngissutit pissutigalugit nunat avannarliit killiit sumi inissisimanertik pissutigalugu pingaaruteqaleriartorsorinarput, kisiannili aamma qimaasut amerliartornerat Kinallu nunanik avannarlernik killernik soqutiginnileriartornera nunarsuarmi sumi inissisimanertik tunngavigalugu nunat tamalaat akornanni naalakkersuinikkut ingerlatsinermi nunat avannarliit killiit pingaaruteqaleriartorlutik.

Nunarsuarmi sumi inissisimanertik tunngavigalugu nunat tamalaat akornanni naalakkersuinikkut ingerlatsinermi apeqqutit eqqarsaatigalugit nunat avannarliit killiit pingasuusut apeqquteqarfigineqartarnissaat naatsorsuutigineqartariaqarpoq. Assersuutigalugu eqqarsaatigineqar-

sinnaavoq Atlantikup avannaani NATO-p sakkutooqarfeqarnerminik annertusaanissaminik kissaateqaqqilissasoq.

Nunat avannarliit killiit pingasuullutik tamarmik sakkutooqanngillat, NATO-mut ilaasortaallutik nunarsuullu immikkoortuani ataatsimi inissisimallutik. Taamaalillunilu siunissami aaq-qiaginngittoqartillugu nunat inissisimanerat assigiikannersussaavoq, ataatsimeersuarnerullu siunertarissavaa nunarsuarmi sumi inissisimanertik tunngavigalugu nunat tamalaat akornanni naalakkersuinikkut ingerlatsinermi siunissami qanoq inissisimanissaannut nunat piareersassallugit.